

جریده عدلیہ

دوبئی سنہ

۲۹ محرم ۱۳۲۲ ۵ کانون اول ۱۳۲۰

نومرو ۱۶۱

قائمہ سنیہ

نوبہرات عدلیہ

در سعادت و بلاد ثلاثہ ایکنجی صنف صالح حاکم لکنہ در سعادت استیناف محکمہ سی اعضا ملازم لاندن
سعید و در سعادت استیناف محکمہ سی اعضا ملازم لکنہ نیکدہ سنجائی بدایت محکمہ سی اعضا لاندن مستغنی
و در سعادت و پارس حقوق مکتبلاندن مأذون خرا الامبوس و قنعال قضاسی بدایت محکمہ سی ریاستہ ترفیعاً
کموش حاجی کوی قضاسی بدایت محکمہ سی مدعی عموم سی نافذ و کموش حاجی کوی قضاسی بدایت محکمہ سی
مدعی عموم لکنہ مراد یہ قضاسی بدایت محکمہ سی مدعی عمومی سابق موسی کاظم و پتور کہ قضاسی بدایت
محکمہ سی رئیس سعید افدینک وقوع استعفا سہ منی یرنہ کذلک ترفیعاً عربکر قضاسی بدایت محکمہ سی
مدعی عمومی احمد ساقی و عربکر قضاسی مدعی عموم لکنہ در سعادت مکتب حقوق لاندن علی الاعلی درجہ دہ
مأذون حایمانہ قضاسی بدایت محکمہ سی اعضای منتخبہ سابقہ سندن طلعت وایدین ولایتی مرکز بدایت محکمہ سی
مدعی عمومی معاون لکنہ مکتب مذکور دن اعلی درجہ دہ مأذون سیواس ولایتی استیناف محکمہ سی باش
کاتبی رفعت وایدین ولایتی مرکز تجارت محکمہ سی اعضا لگنہ تکفور طاعی سنجائی استیناف محکمہ سی
اعضا ملازم لکنہ مستغنی جزمی و مہرای قضاسی بدایت محکمہ سی حاکم معاون لکنہ طلیمیلہ طرول قضاسی

بدایت محکمه سی مدعی عمومی جذبی و طرول قضاسی بدایت محکمه سی مدعی عمومی لکنه کاخه قضاسی بدایت محکمه سی مدعی عمومی سابق لطفی و از ضرور ولایتی استیناف محکمه سی اعضا ملازمین جازم افندینک وقوع استعفا سنه بناء برینه ملاطیه سنجای بدایت محکمه سی اعضای سابقه سندن فخرالدین واطنه ولایتی استیناف محکمه سی اعضا ملازمین مکتب مذکور اعلی درجه ده مأذونین و ایزمیت مکتب سلطانی س معلمین صلاح الدین وچوروم سنجای بدایت محکمه سی اعضا ملازمین مکتب تحویل اولان صفی الدین افندینک استعفا سی جهتیه برینه مکتب مذکور مأذونین علی رضا و بغداد ولایتی مرکز بدایت محکمه سی ایکمنجی مستطقلکنه طلب و استدعاسنه مبنی اربیل قضاسی بدایت محکمه سی مستطقی حدی افندیلر نقل و تعیین اولمش و سوریه ولایتی استیناف محکمه سی اعضا سندن کرقور افندی ایله قدس شریف سنجای استیناف محکمه سی اعضا سندن عبدالمسیح افندینک و کذا سوریه ولایتی استیناف محکمه سی مدعی عمومی معاونی جودت افندی ایله بیروت ولایتی استیناف محکمه سی مدعی عمومی معاونی عثمان نوری افندیلرک بجایشلری اجرا قلمشدر .

بواراده سنیه نك اجراسنه عدليه ناظری مأموردر .

۱۱ محرم ۱۳۳۳ ۱۷ تشرین ثانی ۱۳۳۰

نمذ رشو

عدليه ناظری
ابراهيم
صدراعظم
محمد سعيد

قوانین و نظامات

۲۱ ذیقع الاول ۱۳۳۲ تاریخلی مأمورین محاکماتی حقنده کی قانون موقتک ه نخی ماده سنی معدل قانون موقت

ماده : ۱. ۴ شباط ۱۳۲۹ تاریخلی مأمورین محاکماتی حقنده کی قانونک بشنچی ماده بروجه آتی تعدیل اولمشدر : تحقیقات ابتدائیه اوراقی بیان اولان مجلسلردن برینه کلدکده برهفته ظرفنده تدقیقاته مباشرت اولنه رق و تدقیقات مکمله اجرا وایجاب ایدنلردن تحریر آ یاخود شفاهاً ایضاحات لازمه اخذ ایدیلرک مأمور مظلونک

تحت محاکمه یه آلمسنه لزوم کوریلور ایسه لزوم محاکمه سی اسبابی مین بر مضبطه تنظیم ایدیلوب مأمور مظلونه تبلیغ ایدیلر . مأمور مظلون اشبو مضبطه علیه تبلیغ تاریخندن اعتباراً بش کون ظرفنده اعتراض ایده بیلر . مدت اعتراضک ختامنده و یاخود عندالاعتراض درجه ثانیه ده اجرا قلمه جق تدقیقات نتیجه سنده مذکور مضبطه تصدیق ایدلیدی تقدیرده قرارنامه سی ماهیتنده اولان اشبو مضبطه و اوراق تحقیقیه جنجهلرده طوغریدن طوغری یه محکمه یه و جنایتلرده هیئت اتهامیه سوق اولمشق اوزره عائد اولدینی محکمه عدلیه مدعی عمومی سنه تودیع اولنور . مأمور مومی الیهک تحت محاکمه یه آلمسنه لزوم کورلمز ایسه اسبابینک بیانیه منع محاکمه سی حقنده بر مضبطه یاپیلوب مأمور مومی الیهک منسوب اولدینی اداره رئیسنه و واریسه مدعی شخصی یه تبلیغ ایدیلر . اداره رئیس و مدعی شخصی اشبو مضبطه علیه تاریخ تبلیغندن اعتباراً بش کون ظرفنده اعتراض ایده بیلر . بونلر طرفندن اعتراض وقوع بولسون بولسون منع محاکمه قرارلری هر حالده مافوقی مجلسه سوق اولنور و اوراجه بعدالتدقیق مضبطه مذکوره تصدیق اولنورسه بر صورت مصدقه سی مأمور مومی الیه ویریلور .

ماده : ۲. اشبو قانون تاریخ نشرن اعتباراً مرعی الاجرادر .

ماده : ۳. اشبو قانونک اجراسنه هیئت وکلا مأموردر .

مجلس عمومی ک اجتماعنده قانونیتی تکلیف اولمشق اوزره اشبو لایحه قانونیه نك موقتاً موقع مرعیه وضعی و قوانین دولته علاوه سنی اراده ایدلم .

۱۸ محرم ۱۳۳۳ ۲۴ تشرین ثانی ۱۳۳۰

نمذ رشو

حربیه ناظری و بحریه ناظری وکیلی	شیخ الاسلام و اوقاف هایون ناظری	صدراعظم و خارجیه ناظری
انور	خیری	محمد سعید
نافعه ناظری	عدلیه ناظری و شورای دولت رئیس وکیلی	داخلیه ناظری و مالیه ناظر وکیلی
عباس	ابراهیم	طلعت
	تجارت و زراعت ناظری	معارف ناظری و پوسته و تلغراف و تلفون ناظر وکیلی
	احمد نسیمی	احمد شکری

تبعه عثمانیه نك دول مخصوصه و متفقری تبعه سنه قارشو اولان دیون و تعهداتی

حقنده قانون موقت

ماده : ۱. تبعه عثمانیه نك دول مخصوصه و متفقری تبعه سنه قارشو اولوب وعده لری حلول ایدن دیون عادیه و تجاریه لری ایچون ۱۵ تشرین اول ۱۳۳۰ تاریخندن و وعده لری حلول ایده جک اولانلر ایچونده تاریخ وعده لرندن اعتباراً فائض ایشلمیه جکدر و کذلک دول مخصوصه و متفقری تبعه سندن اولان

اشخاص عادیه و حکمیہ به قارشو عثمانیلر طرفندن وقوع بولان تعهدات و دیوناتک حربک دوامی مدنجہ عدم ایفاسندن طولای هیچ برکونا نتایج و مسئولیت حقوقیه تولد ائیمه جکدر .

ماده : ٢ ممالک عثمانیه بولان اشخاص عادیه و حکمیہ طرفندن دول مخصوصه ممالکنه و بولرک مستملکله کربنه کرک تقدأ و کرک چک و پولیچه و نقل حساب صورتیه بالواسطه و یا بلاواسطه تأدیات اجرایی ممنوعدر . بوممنوعیت خلافده حرکت ایدن کیمسه لره مؤسسات دیرکتورلری ، آنلره بالذات و یا بالواسطه معاونت ایدنلر بهر دفعه سی ایچون بیک لیرایه قدر جزای نقدی و برسنیه قدر حبس جزاسیله و یا خود بولردن بریله و مالیه نظارتک اشعارینه مستندأ مدعی عمومیک طرفندن اقامه دعوی اولنق صورتیه مجازات اولنه جقلردر .

ماده : ٣ ایکنجی ماده احکامنه رعایت ایدیلوب ایدلمدیکنک تدقیق ضمننده مالیه نظارتی طرفندن آنونیم شرکتلر نزدینه کوندریله جک مفتشلر شرکتلر مذکورنک دفاتر و معاملاتی معاینه و تفتیش ایلیمه جکلردر .

ماده : ٤ اشبو قانون تاریخ نشرندن اعتبارأ مرعی الاجرادر .

ماده : ٥ اشبو قانونک اجراسنه مالیه و عدلیه ناظرلری مأمورددر .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتأ موقع مرعیتہ وضعی و قوانین دولته علاوه سنی اراده ایلدم . ١٨ محرم ١٣٣٣ ٢٤ تشرین ثانی ١٣٣٠

محمد رشاد

عدلیه ناظری
ابراهیم
مالیه ناظر وکیل
طلعت
صدراعظم
محمد سعید

دول مخصوصه و متفقلری ایلیمه بیطرف دولتلر تبعه سی یدلرنده بولنن تحویلات فائض

و آمورتیسمانلری حقنده قانون موقت

ماده : ١ دول مخصوصه و متفقلری تبعه سنک یدنده بولنوب دولت و یا بلدیله لر طرفندن اخراج ایدلمش اولان استقراضات و خزینہ تحویلاتی فائض و آمورتیسمانی حال صلح اعاده اولنجهیه قدر تأدیہ اولنیمه جقدر . کذلک عثمانی آنونیم شرکتلری طرفندن اخراج ایدلمش اولان تحویلات فائض و آمورتیسمانی ایلیمه حصه سنداتی فائض و متعلقلری تبعه مذکوریه حال صلح اعاده اولنجهیه قدر تأدیہ ایتکدن شرکتلر ممنوعدرلر . انحق مالیه نظارتی طرفندن ویریله جک امر اوزرینه مذکور شرکتلر بولرک مقابلی حکومتجه ارئه اولنه جق برانقهیه تودیعه مجبور اوله جقلردر . خلافده حرکت ایدن شرکتلر ١٨ محرم ١٣٣٣ و ٢٤ تشرین ثانی ١٣٣٠ تاریخلی قانونک ایکنجی ماده سی موجبجه دوچار مجازات اوله جقلردر .

ماده : ٢ بیطرف دولتلر تبعه سی یدنده بولنن وزیرده محرر اوچنجی ماده ده مذکور استقراضلرک خارجنده قالان استقراضات و خزینہ تحویلاتک فائض و آمورتیسمانی استانبولده خزینہ مالیه جه تسویه اولنه جقدر .

ماده : ٣ حکومت سنیه نک المانیا و اوستریاده عقد ایلش اولدیغی استقراضلره عائد فائض و آمورتیسمانک برسابق قارشولقلریله و مقاوله نامه لری موجبجه مخاصم دولتلر ممالکندن ماعدا واجب التأدیہ اولدقلری محالرده تسویه سنه دوام اولنه جقدر . فقط دول مخصوصه تبعه سنه هیچ بریرده تأدیات اجرا اولنیمه جقدر .

ماده : ٤ حاملرک تابعینک صورت تبیینی ایلیمه تحویلاته صورت تصرفلری نه وجهله اثبات ایدیمه جکلری مالیه نظارتی طرفندن بر تعلیماتنه ایلیمه تعیین ایدیمه جکدر .

ماده : ٥ اشبو قانون تاریخ نشرندن اعتبارأ مرعی الاجرادر .

ماده : ٦ اشبو قانونک اجراسنه مالیه و عدلیه ناظرلری مأمورددر .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتأ موقع مرعیتہ وضعی و قوانین دولته علاوه سنی اراده ایلدم . ١٨ محرم ١٣٣٣ ٢٤ تشرین ثانی ١٣٣٠

محمد رشاد

عدلیه ناظری
ابراهیم
مالیه ناظر وکیل
طلعت
صدراعظم
محمد سعید

قانون جزانک ٦٦ نجی ماده سنک ٦ جمادی الاخره ١٣٢٩ تاریخلی ذیلنک فقره اخیره سنی

معدل قانون موقت

ماده : ١ قانون جزانک ١٦٦ نجی ماده سنک ٦ جمادی الاخره ١٣٢٩ تاریخلی ذیلنک فقره اخیره سی بوجه آتی تعدیل ایدلمشدر :

« قانون جزا اعتباریه اسلحه ممنوعه دن مقصد علی الاطلاق اسلحه امیریہ و حربیه ایلیمه ناملوسی اون بش سانتیمتری متجاوز اولان و یا خود چاپی طقوز میلیمتری و یا آندن فضله بولنن روولورلردر . »

ماده : ٢ اشبو قانون تاریخ نشرندن معتبردر .

اشبو لایحه قانونیه نک مجلس عمومینک اجتماعنده قانونیتی تکلیف اولنق اوزره موقتأ موقع مرعیتہ وضعی و قوانین دولته علاوه سنی اراد ایلدم . ٢٤ محرم ١٣٣٣ ٣٠ تشرین ثانی ١٣٣٠

محمد رشاد

عدلیه ناظری
ابراهیم
صدر اعظم
محمد سعید

۲۸ ذی الحجه ۱۲۷۴ تاریخلی قانون جزانک ۲۶۱ نجی ماده سنی معدل قانون موقت

ماده : ۱ قانون جزانک ۲۶۱ نجی ماده سی بوجه آتی تعدیل اولمشدر :

« برکیمسنگ محرز ویا مزروع اولان ویاخود ایچنده محصولات و مزروعات بولنان اراضیسنه وباغ ویاغچه سنه حیوان صالیورنلر و قیدسزلق و تسبب اثریه حیواناتک بوکلی محللره کیرمسنه سبیت ویرنلر اون بشلکدن اون بش بشلکه قدر جزای تقدی اخذیه مجازات اولنور و ضرر و زیانی حیوان صاحبی ضامن اولور .

متعدد اشخاصه عائد اوله رق مجتمعا رعی اولنان حیواناتدن بر ویا برقاچنک بویولده ایقاع ایتدکلی ضرر و خسار برلکده رعی اولنان حیواناتک کافه سنگ صاحبیرینه غرامه تضمین ایتدیریلیر .

ماده : ۲ اشبو قانون تاریخ نشرندن اعتباراً مرعیدر .

ماده : ۳ بوقانونک اجراسنه عدلیه ناظری مأمورددر .

۲۴ محرم ۱۳۳۳ ، ۳۰ تشرین ثانی ۱۳۳۰

محمد رشاد

عدلیه ناظری
ابراهیم
صدر اعظم
محمد سعید

اجنبی آنونیم و سرمایه سی اسهامه منقسم شرکتلر حقنده قانون موقت

ماده : ۱ ممالک اجنبیه ده تشکلی ایدرک ممالک عثمانیه ده شعبه ویا آجته خانه تأسیس و کشادیه اجرای معامله ایده جک اولان هر نوع آنونیم و سرمایه سی اسهامه منقسم شرکتلر معاملاتیه ایتداری ایتزدن اول تجارت نظارتنه شرکتک عنواتی و محل تشکلی و تابعیتی و مقدار سرمایه سی و ممالک عثمانیه ده کی معاملاتنده قوانین عثمانیه احکامنه تبعیتی درعهده ایتدیکنی حاوی ویره جکی استدعایه ایله برابر اولا شرکتک منسوب اولدینی کاتب عدل لکدن و سلطنت سنیه سفارت و شهیندر خانه لردن مصدق اوراق تشکیله سیله نظامنامه داخلی سی صورتلری و مرکز اداره سنگ بولندینی مملکت قوانین مراعیه سنه موافق اوله رق تشکلی ایتمش و الیوم اجرای معامله ایلکده بولنش اولدینی متضمن منسوب اولدینی حکومتدن اعطا اولنش برشهادتنامه یی، ثانیاً شرکتک نظامنامه داخلی سنده کوسرتمش اولان معاملاتی عقد ایتکه و معاملات واقعه دن متولد هر نوع دعاویدن شرکت نام و حسابنه اوله رق کرک مدعی و کرک مدعی علیه صقیله کرک دیگر برصفتله درجات محاکمه حاضر بولنمه مأذون و مرخص بروکیلک تعینی مین کذلک منسوب اولدینی مملکت کاتب عدل لکندن

و سلطنت سنیه سفارات و شهیندر خانه لردن مصدق ویاخود ممالک عثمانیه ده کاتب عدل حضورنده تنظیم اولنش بروکالتیای تودیعه مجبورددر .

ماده : ۲ ممالک عثمانیه ده مقدما تأسیس ایتمش اولدقلمری شعبه ویا آجته خانه لر معرفتیله الحاله هده اجرای معاملات ایتکده بولنان اجنبی آنونیم شرکتلری ماده سابقه ده تعیین اوله ان معاملات قانونیه یی اشبو قانونک تاریخ مرعیتندن اعتباراً آلتی آی ظرفنده ایفا ایده جکلرینه دائر ایکی آی ظرفنده تجارت نظارتنه ویا ولایاته برتعهدنامه تقدیم ایده جکلرددر و عکسی تقدیرده اجرای معامله دن موقتا منع اوله جکلرددر .

(مابعدی وار)

تلیفات عمریه

عدلیه نظارت جلدیه سنیه نظیر اولناه ۱۸ تشریه ثانی ۳۳۰ تاریخلی خبرات عمومی صورتیدر :

« رژی جزای تقدیلردن بعدما خزینه ایچون بر حصه تفریق و افراز ایدلامسی لزومه دائر »

انحصار دخان قانون جدیدی موجب ججه حکم اولنان رژی جزای تقدیلردن یوزده یکریمی بشل خزینه حصه سی اوله رق تفریقی ایجاب ایدوب ایتیه جکنده تردد اولتدیغندن بشله بعض محللردن وقوعبولان استفسار اوزرینه سبق ایدن استعلامه جواباً مالیه نظارت جلیله سندن وارد اولان ۲۹ تشرین اول ۱۳۳۰ تاریخلی تذکرده توتون قچاقیلغندن و مواد سائرده دن طولای تحت حکمه آلنان جزای تقدیلردن یوزده یکریمی بشل حکمی ویرن محکمه ججه استیفا و متباقیسنگده رژی اداره سنه ترک و اعطاسی کرچه شورای دولتک اولبابده کی قراری اقتضاسندن بولنش ایسه ده اخیراً موقع مرعیه وضع اولنان ۲۲ تموز ۱۳۳۰ تاریخلی انحصار دخان مقاوله نامه سنگ اونجی ماده سنگ آلتنجی فقره سنده بوقیل جرائمدن طولای استیفا ایدیه جک جزای تقدیلرک شرکتک عائدیتی بلاقید و شرط ذکر ایدلمش اولسنه مبنی بعدازین قوانین و نظامات انحصاره مخالف حرکاتدن طولای بویه حکماً آله جق جزای تقدیلردن محکمه لرجه خزینه ایچون بر حصه تفریق و افراز ایدلامسی لازم کله جکی بیلدیرلمش و کیفیت بالعموم استیفاف مدعی عمومیلکلرینه تبلیغ قلمش اولنغله دائره مأموریتلری داخلنده کی محاکمه ده حصول اطلاع ایله آکا کوره ایفای معامله اولنق اوزره اشبو تحریراتک نسخ کافیه سی لاجل التوزیع لفا ارسال قلندی .

محكمة تمیز مرقوم

محكمة تمیز مرقوم در بی قراری

محكمة تمیز مرقوم دائره مندره صادر اولوب ۱۳ تموز سنه ۳۳۰ تاریخده قرارى در بی قرارى ۱۰۸۲ نومردى اعلام صور تیدر :

« تحلیف »

بیروتهه مقیمان فرج‌آه بن خلیل بسول ایله متوفات آسین بسولک ورثه سندن زوجی منصور سیاط بیتهه متکون دعوايه دائر بیروت استیناف محکمه سندن ۱۶ تشرین ثانی سنه ۳۲۹ تاریخی و اتوز اوچ عددیه ویریلوب مرقوم فرج‌آه طرفندن تمیزاً تدقیق استدعا قلنان اعلام طرفینک اعتراض وجواب لایحه لریله بالمطالعہ تدقیقات تمیزیه اجراسنه ابتدار قلندی .

اعلام مذکورک خلاصه مندرجاتنه نظراً مزبورہ آسینک متوفی پدری فضو بسولدن کندوسیله ورثه سائرہیه منتقل معلوم الموقع والحدود ومشمولات سائرہ معلومه یی حاوی برقطعه رضک یکریمی درت قراطدن اون ایکی قراطی مرقوم فرج‌آه پدری مرقومدن با سند خاقانی اشترا ایلیکی ادعاسیله حسن الزامی نام کمسنیه وفا صورتیله فضولی فراغ ایلیکندن مومی الیهمانک جلیله فراغ واقعک فسخی ومداخله واقعه نك منعی حقنده حال حیاتنده اقامه ایلیکی دعوی اوزرینه مدعی علیهما مزبوران دعوت واقعه یه اجابت ایتدکلرینه مبنی حقلرنده غیاباً اجرای محاکمه یه قرار ویرلیدکندن وذی الیدک بالینه اثبات ایتدیرلکدن واولبابده کی هیئت اختیاریه علم وخبری مجلس اداره ولایت طرفندن تشکیل ایدیالان قومیسون مخصوصده بالتدقیق راپور اعطاسی وبوراپورک مجلس اداره جه با مضبطه تصدیقی اوزرینه محل مدعی بهک مرقوم فرج‌آه نامنه طاپو معامله سی اجرا اولمش ایدوکی وایراً مرقوم فرج‌آه دخی محل مذکورى مرقوم حسن الزامی یه وفاء فراغ ایلیکی دفترخاقانی اداره سندن بیلدیرلکدن صکره جریان ایدن محاکمه وتدقیقات نتیجه سنده مومی الیه فرج‌آه بسولک تملککنه طاپوجه استناد تشکیل ایدن انف الییان هیئت اختیاریه علم وخبرینک وجه مشروعه مستند اولدیغندن طولای حکمدن اسقاطنه وبنابرین وفاء واقع مذکور فراغکده عدم اعتبارینه و عقار مذکورک بین الورثه حصه لرینه کوره مشترک ابقاسنه دائر صادر اولان اعلام حکمنه عدم قناعتله مرقوم فرج‌آه طرفندن اعتراض اولمشی و مزبورہ آسینک وقوعوفاتی حسیله ورثه سندن زوجی مرقوم منصورک حضوریه جریان ایدن محاکمه وتدقیقات نتیجه سنده معترض علیه مرقومک تکلیف وطلبی اوزرینه مزبور

حسن افندی کندی اسمی مستعار اولدیغی اقرار ورهنی مرقوم منصور نامنه نقل ایتدیکنه ومومی الیهمانک بو اتفاقلرینه دائر محکمه شرعیه دن برقطعه حجت صادر اولدیغنه وبوایسه مزبور منصوردن مرهون مذکورده حقلری اولدیغی اقرار دیمک بولندیغنه بناء دعواى واقعه نك عدم استماعی حقنده معترض مومی الیه طرفندن درمیان اولنان اعتراض ثابت فرض اولنسه بیله من حیث النتیجه حکمی آنجق مقرک حصه سنه منحصر اوله جغندن بونک حقنده معترض مومی الیه آریجه اقامه دعواده مختار اولق اوزره اعتراض مذکورله برابر حکم غیابینک جرح وابطالی غیر مستلزم کوریلان دیگر اعتراضاتک ردیه اعلام معترض بهک تصدیقه دائر ویریلان اعلام علیهنده معترض مرقوم طرفندن استیناف دعوايه قیام وعقار مذکورک مدعی به مقداری عموجه سی متوفی فضول بسولدن شراء کندوسنک ملک اولوب مرور زمان تشکیل ایدن برمدتدبری بلانزع تحت تصرفده بولندیغی بیان اولمشی اوزرینه اجرای محاکمه یه لای ابتدار اعلام مستأنف به اسباب معلومه دن طولای فسخ ایدلکدن صکره جریان ایدن محاکمه وتدقیقات نتیجه سنده یه مستأنف مومی الیه فرج‌آه اعطا ایدیالان طاپو سندینک مبنی علیی اولان آنف الییان علم وخبرک عدم اعتباریه عقار مذکورک بین الورثه حصه لرینه کوره مشترک ابقاسنه ومستأنف علیه مرقوم منصورک برمنوال محرر اقراری حقنده مستأنف طرفندن درمیان ایدیالان مدافعه ثابت اولسه دخی اقرار مذکورک حکمی آنجق مقرک حصه سنه قاصر اوله جغه مبنی اقرار مذکوردن طولای مستأنف مومی الیه آریجه اقامه دعواده مختار اولق اوزره مدافعه مذکورہ ایله برابر اعتراضات سائرہ استینافیه نك آری آری سبیلر بیانیه ردینه حکم وقرار ویرلیدی اکلشلمشدر . مستدعی تمیز طرفندن ویریلان لایحه ده مذکور عقاری فضول بسولدن حال حیاتنده اشترا ایتدیکنی ناطق طاپوسندینک مبنی اولدیغی ومختارین علم وخبری محتویاتی بالتدقیق صحتی رسماً تصدیق ایدلمش بولندیغی حالده عدم اعتبارینه اعطای حکم اولمشی ومع مافیه محکمه جه کندوسی اثبات مدعی دن عاجز طوتیلدیغی حالده ورثیه عدم علمه دائر یمین تکلیف اولنق لازم کلور ایکن بوندن دخی ذهول اولمشی یولسز ومغایر قانون اولدیغندن واسباب ساءدن بحثله اعلامک تقضی وجواب لایحه سنده دخی غیر وارد اولان اعتراضات مذکورہ نك ردیه موافق اصول وقانون اولان اعلام مذکورک تصدیق طلب واستدعا اولمشدر .

ایجاب کیفیت مذاکره اولندقدہ کیفیت هر نه قدر بوجه محرر بالرؤیه حکم وقراره ربط اولمش ایسه ده مدعی علیہک مدعی یه عقاری مدعیه متوفاه مزبورہ نك پدرندن اشترا ایتدیکنی ادعا ایلمی وورثه دن متوفانک زوجی مدعی یه مبلغ معلوم مقابلنده وفاء صاتیله رق آخرک عهده سنده بولنقدہ ایکن مشتری مرقوم حسن الزامی یه مراجعتله بیع بالوفانک بدلنی ویروب مدعی بهک کندی عهده سنه دور اولمشی مقدم مطلب ایتمش اولدیغنه دائر مدافعه درمیان ایلش اولمشی اوزرینه استیناف محکمه سنجه بوندن طولای آریجه اقامه دعوی ایدلمش مقتضی بولندیغندن بحثله اشبو دفعک اثبات ایتدیرلماشی ومدعی علیه عقار مدعی بهی مدعیه مزبورہ نك پدرندن اشترا ایلیکیکی بیان ایدوب ثمن بیعک مقداری ویاخود شرانک ثمن مقبوض مقابلنده

اولدیغی بیان اتمسی لازم کلورکن بیان ایتامسی دعوانک استماعنه مانع بولندیغی حالده بونک دخی نظر دقه التامسی و محله علم و خبری اوزرینه وقوعبولان دفترخاقانی قیدی ثبوت مدعییه کافی کورلماسی و دیگر بینه اراؤه ایدلماسی اوزرینه ورتهنک عدم علمه دائر تحلیف اولمغنی اقتضا ایدرکن بونکده نظر تأمله التمسزین حکم اعطا ایدلمسی مخالف قانون اولدیغندن اصول محاکمه حقوقیه قانوننک اکیوز اوتوز ایکنجی و اکیوز قرق برنجی ماده لری موجبجه اعلام مذکورک تقضیه اکیوز قرق دردنچی ماده سی حکمنه توفیقاً کیفیتک وجه مشروح دائره سنده تکرار بالرؤیه اعلامه ربطی ضمننده محکمه مذکوریه اعاده سته و مصادف تمیزیه نک ایلروده حقسنر حقیقه جق طرفه عائد اولسنه ۱۳ تموز سنه ۳۳۰ تاریخنده متفقاً قرار ویرلدی.

محکمہ تمیز حقوق دائره سنده صادر اولوب ۱ ایلول سنه ۳۳۰ تاریخنده قرار ویریلده اعلام صورتیبر:

« تدقیق خط و خاتم »

حیفاً قصبه سنده مقیم میخائل حبیب افندی ایله حیفاً زراعت بانک شعبه سی میاننده متکون دعوایه دائر عکابدایت محکمه سندن استیناف صفی و ۲۹ حیزران سنه ۳۲۹ تاریخی واون ایکی عددیه ویریلان اعلامک تمیزی طلبی حاوی مومی الیه میخائل افندن طرفندن اعطا قلنان تمیز استدعا نامه سنک مرور مدتدن طولای ردنی حاوی دائره دن صادر اولان ۹ شباط سنه ۳۲۹ تاریخی وایکی بیک ایکی یوز سکسان اوچ عددی اعلام علیهنده مومی الیه میخائل افندی طرفندن شرائط قانونیه سی بالا یفا مدتی طرفنده اعطا ایدیلان تصحیح قرار عرضحالنده عندالتمیز مرور مدتدن طولای تمیز استدعاسنک ردینه قرار ویرلمش ایسه ده تاریخ تبلیغ سهواً یا کلش کوسرلمش واولباده کی تبلیغ علم و خبری جلب و تدقیق اولدیغی صورته مدتی طرفنده تمیز دعوی ایدلیدیکی ثابت اولاجنی درکار بولنش اولدیغندن بحثله مذکور علم و خبرک جلب و تدقیقه تصحیح قرار عرضحالنک قبولی استدعا قلنش و فی الحقیقه تمیز استدعا نامه سنک مدتی طرفنده ویرلیدیکی جلب و تدقیق ایدیلان علم و خبر مندرجاتندن اکلاشلمش اولمغله اشبو سبدن طولای عرضحال منبورک قبولیه جزای تقدی اوله رق عکا مال صندوقه دیپوزیتو ایدیلان بش لیرانک مستدعی تصحیحیه رد واعاده سی و تمیز اعلامنکده شو صورته اصلاحی اتفاقه قرار کیر اولدقندن صکره تمیزیه اولان اعلام مذکور اوراق متفرعه سیله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً : مومی الیه میخائل حبیب افندینک اموال معلومه سنی ترهین ایتک صورته حیفاً زراعت بانک سندن استقراض ایدلیدیکی مبلغه مقابل مودوعاتی بولنان بعدالتزیل متبانی دینی قالان اوتوز بیک غروشک مع فائض تحصیلیه اموال مذکوریه موضوع حجزک فکته دائر حیفاً بدایت محکمه سندن صادر اولان اعلام حکمنه بانک مذکور وکیلی عدم قناعتله استیناف دعوایه بالقیام مستأنف علیه مومی الیه

حبیب افندینک موکلای بانک منبورندن ایکی تقسیطده جمعاً یوز بیک غروش استقراض واعشار بدلی التزامی و معارف حصه سندن اوتوزدرت بیک غروش اعطا ایلش واشبو تأدیاتک جمله سی اسبق یوسف ضیا افندینک زمان مأموریتته مصادف بولنش اولسنه نظراً مستأنف علیه مومی الیهک اولیه تودیعاتی واقع اولسه بالطبع محسونی اجرا ایتدیرمسی لازم کله جکندن بحثله اعلام ابتدائی مذکورک فسخ وابطالی طلب و دعوی و مستأنف علیه دخی اولباده کی علم و خبر موجبجه مذکور باقیه اون ایکی بیک بشیوز غروش مودوعاتی بولندیغی و بونک کاتب مومی الیه یوسف ضیا بک وداعتیه قبض اولندیغی بیان وادعا و مذکور علم و خبری ابراز واعطا ایللری اوزرینه محکمه استینافیه جه مدعی عمومی حضوریه کیفیتک بالتدقیق تمیزله حواله سی قرار کیر اولدقندن صکره جریان ایدن محاکمه و تدقیقات نتیجه سنده مستأنف علیه مومی الیه طرفندن ابراز اولنان سند زراعت بانک سندن محفوظ دیب قوچاننه مطابق اولمادیغی تمیز طرفندن بوباده اجرا قلنان تدقیقاتی حاوی ویریلان راپور مآلندن اکلاشلمش اولسنه مومی اعلام مستأنف بیک فسخیه حجز واقعت تثبیته و مستأنف علیه مذکور باقیه مدیون بولندیغی مبالغ متبایه نک تأمین استیفاسی ضمننده اموال محجوزه معلومه نک بیعنه حکم و قرار ویرلیدیکی اکلاشلمشدر .

مستدعی تصحیح میخائل افندی طرفندن ویریلان لایحه تمیزیه ده مبرز سندک کاتب اسبقک مأموریتی انناسنده طرفندن اعطا ایدلیدیکی باقیه وکیلنک تحت اقرارنده اولمغله برابر باقیه نک مهر رسمیه سیله مختوم بولندیغی حالده تمیزلرجه بوجهتک نظر دقه التامش و بناءً علیه بینات قانونیه دن اولیان تمیز راپورینک حکمه اساس اتخاذ اولمسی مغایر قانون بولنش اولدیغندن بحثله اعلامک تقضی و لایحه جوابیه ده دخی اعتراضات مسروده نک غیر وارد ایدوکی بیانیه ردی و موافق اصول و قانون اولان اعلام مذکورک تصدیق طلب واستدعا ایدلمش و مطالعه نامه مفادی ایسه اعتراضات مذکورنک غیر وارد ایدوکی بیانندن عبارت بولنشدر .

ایجاب کیفیت مذاکره اولندقده : مستأنف علیه میخائل افندینک مجموع دینی یوز بیک غروشندن عبارت بولندیغی اعلام استینافیده مندرج اولوب مقدار مذکورک مومی الیه طرفندن اقرار ایدیلوب ایدلیدیکی تدقیق و بوکا قارشو و دیعه و یاخود تعلیمات صورته زراعت بانک سی طرفندن قبض اولندیغی ادعا اولنان مبالغک مقداری دخی تعیین ایدلمک مقتضی بولندیغی حالده بوجهتک نظر دقه التامسی واون ایکی بیک بشیوز غروشک کاتب یوسف ضیا افندینک مهر و امضاسیله قبض اولندیغی دخی مومی الیه میخائل افندی طرفندن ادعا قلنمقده اولدیغندن کاتب مومی الیهک باقیه نامه اخذ و قبضه صلاحیتی اولوب اولمادیغی تدقیق ایدلمک ولدی الحاجه موضوع مهر و امضا حقنده اصول محاکمه حقوقیه قانوننک تدقیق خط و خاتم فصلنه توفیقاً تطبیقات لازمه اجرا قلنمق اقتضا ایتدیکی حالده معاملات مذکوریه ایضا اولنیه رق حجزک ابقاسنه و مروهوناتک فروخته قرار ویرلمسی مخالف قانون اولسندن طولای اعلام مستأنف بیک فسخی اقتضا ایدر ایکن استیناف محکمه سنجه ده بوجهتک تأمل ایدلماسی کذلک مخالف قانون اولدیغندن اصول محاکمه حقوقیه

قانونك ايكي يوز قرق برنجي مادهسى موجبجه اعلام مذ كورك تقضيله قانون مزبورك ايكي يوز قرق دردنجي مادهسى حكمه توفيقاً كيفيتك تكرار بالرؤيه اعلامه ربطى ضمننده محكمه مذ كوره اعاده سنه وزيرده مفرداتى ومصارف تميزيهك ايلورده حقسنز حيقه حق طرفه عائد اولسنه ١ ايلول سنه ٣٣٠ تاريخنده متفقاً قرار ويرلدى .

محكمه تميز مقرر دأره سنده صادر اولوب ٢١ ايلول سنه ٣٣٠ تاريخنده قرارى بر بيلده اعلام صورتيه :
« كشف اثبات ثبوتيه دن معدود دكلدر »

بغدادك كوكنغر محله سنده مقيم باشكاتب زاده محمود حامى افندى ايله خراسان بلديه دأرهسى بيننده متكون دعوايه دأر بغداد استيناف محكمه سندن ٢٤ ايلول ٣٢٩ تاريخى واون اوچ عددى ايله ويريلوب مومى ايله حلمى افندى طرفندن تميزاً تدقيقى استدعا قلنان اعلام باش مدعى عمومليك مأموريت عليه سنك مطالعه نامهسى آلدقندن صكره طرفينك اعتراض وجواب لايحه لريله برابر بالمطالعه تدقيقات تميزيه اجرا سنه ابتدار قلندى .

اعلام مذ كور مندرجانه كوره : دأره بلديه وكيلى خراسان بدايت محكمه سنه باعر فحال مراجعتله مومى ايله حلمى افندي سنك طريق عامده احداث ايلديكى بنا اولبالدهكى قرار موجبجه بلديه طرفندن هدم ايلديكى حالده مومى ايله محل مذ كورى بتكرار انشايه تشبث ايلديكى جهتله منع مداخله سنى طلب ودعوى ايتسنه قارشى مدعى عليه دخى محل مذ كوره مبنى قهوه خانه يى قرق سنه مقدم پاچه جيلر عائله سندن تفرغ ايلديكى قبل التفرغ دخى فارغلى يكرى بش سنه بلا نزاع متصرف بولندقلرينى ومع هذا محل مذ كورك طريق عام اولماديغنى باليان كشفنى طلب وادعا ايلسى اوزرينه مدعى عمومى حضوريله اجرا قلنان محاكمه وكشف وتقيقات نتيجه سنده بو مثللو طريق عامه متعلق دعوالرده مرور زمان ادعاسى مسموع اوله ميه جنجى كجى محل مذ كورك طريق عامده واقع اولديغى اجراى كشفى حاوى نائب واهل خبره طرفندن معطى راپور مندرجاتيله تحقق ايتسنه مبنى مدعى عليهك محل مذ كوره وقوع بولان مداخله سنك منعيله تجاوز واقعك رفعنه دأر بدايه ويريلان اعلامك عندالاستيناف تصديقه حكم وقرار ويرلديكى اكلا شلمشدر .

مستدعى حلمى افندى طرفندن ويريلان لايحه ده : دعوى عقاره متعلق اولديغى حالده ذى اليدلكك بالينه اثبات ايتديرلماسى وحكمك كشف راپورينه بنا ايدلسى يولسز ومغاير قانون اولديغندن بحثله اعلامك تقضى ولايحه جوابيه ده دخى غير وارد اولان اعتراضات مذ كوره نك رديله موافق اصول وقانون اولان اعلامك تصديق طلب واستدعا اولمش وانف اليان مطالعه نامه مفادى ايسه لايحه تميزيه ده درميان اولنان اعتراضاتك بجا كوريله مديكى بيانندن عبارت بولمشدر .

ايجابى لى المذاكره خصوص مدعى هر نه قدر بر منوال محرر حكم واعلامه ربط اولمش ايسه ده درجه

اولا محكمه سنجه اول امرده منازع فيهك حدودى دأره بلديه تعيين ودعواى واقعه اراضى به متعلق اولديغى جهتله مجله نك بيك يدى يوز اللى دردنجى مادهسى موجبجه توجه خصوصت ايجون ذى اليدلك بالينه اثبات ايتديرلكدن صكره ايجاب ايدن طرفندن بينه طلب اولنه رق تيين ايدنه جك حاله كوره حكم اولنق لازم كلور ايكن اسباب ثبوتيه دن معدود اوليان كشفه بناءً حكم ايدلسنك مغايرت قانونيه سندنشائى عندالاستيناف اعلام ابتدائيك فسحى لازم كلور ايكن تصديقه قرار ويرلسى يولسز ومغاير قانون اولديغندن اصول محاكمه حقوقيه قانونيك ايكوز اتوز ايكنجى وايكوز قرق برنجى ماده لرى موجبجه اعلام مذ كورك تقضيله ايكوز قرق دردنجى مادهسى حكمه توفيقاً كيفيتك وجه محرر دأره سنده بالرؤيه اعلامه ربطى ضمننده محكمه مذ كوره اعاده سنه وزيرده مفردات ومعطيسى محرر مصارف تميزيهك ايلورده حقسنز حيقه حق طرفه عائد اولسنه ٢١ ايلول ٣٣٠ تاريخنده متفقاً قرار ويرلدى .

محكمه تميز مقرر دأره سنده صادر اولوب ٢٨ شربه اول سنه ٣٣٠ تاريخنده قرارى بر بيلده ١٤١٦
نومرولى اعلام صورتيه :

« تصرف ادعائى شخصه تعلق ايدوب بوكى دعوالرده قوم غير محصور حقندهكى احكام غير جاريه »

دوه لو قضا سنه تابع حسينلى ، پوتغو ، يكيجه ، ياغدى ياران ، ملتكى وكومدى قريه لرى قوم غير محصور اهاليسيله دفتر خاقانى ناظر اسبقى مرحوم رضا پاشا كريمه سى نفيسه وجيهه خانم وكيلى قيصر يده مقيم ملكيان اغوب افندى بيننده دعوايه دأر قيصرى سنجاغى بدايت محكمه سندن استيناف صفى و ١٦ تموز ٣٣٠ تاريخى وبر عدليه ويريلوب مذ كور قريه لر اهاليسى وكيلى مأذونى ارش قالفه يان افندى طرفندن رأساً وميز عليها وكيلى طرفندن مقابله تميزاً تدقيقى استدعا قلنان اعلام باش مدعى عمومليك مأموريت عليه سنك مطالعه نامهسى آلدقندن صكره طرفينك اعتراض وجواب لايحه لريله برابر بالمطالعه تدقيقات تميزيه اجرا سنه ابتدار قلندى .

اعلام مذ كور مندرجانه نظراً قرأى مذ كوره اهاليسى وكيلى دوه لو قضائى بدايت محكمه سنه باعر فحال مراجعتله موكللى مقدمه معذرة قريه لرينى ترك ايتدكلرى زمان اراضى مذ كوره مستحق طايبو اولقسزين متوفائى مشاراليه رضا پاشا طرفندن چفتلك صورتيله تفرغ ايدلمش اولديغندن مشاراليه ورثه سى طرفندن وقوع بولان مداخله نك منعيله شمدى به قدر اعطا ايتدكلرى بدل ايجارك اعاده سنى طلب ودعوى ومشاراليه ورثه سندن كريمه سى نفيسه وجيهه خانم وكيلى دخى اراضى مذ كوره موكله سنك پدرى طرفندن ايكوز سكسان درت تاريخنده چفتلك اولق اوزره تفرغ اولنديغى ومدعيلر بامقاوله ايجارله دروننده اقامت

ایتدیرلدیکی وشمیدی به قدر ویرکوسنی ویره گلمکده اولدقلری جهته حق قرارله مرور زمان حاصل اولدیغندن ادعای واقعت ردینی طلب ودرمیان وطقوز قطعه سند خاقانی ایله بر قطعه مقاولاتدن مصدق مقاوله نامه ابراز واعطای الکلری اوزرینه مدعی عمومی حضوریه اجرا قلنان محاکمه و تدقیقات نتیجه سنده اراضی مذکوره نیک پاشای مشارالیه نامه معامله فراغیه سنک ایکوز سکسان درت تاریخنده اجرا قلندی و قرق سنه بی متجاوز زماندنبرو بلاعذر سکوتله اهالی مذکوره طرفندن مبرز مقاوله وجهله اجاره سی ویریه کلدیکی اقرارلریله ثابت اولدیغندن حق قرار و مرور زماندن طولای دعوی واقعه نیک عدم مسموعیتته دأر صادر اولان اعلامک استینافاً تدقیقه ابتدار اولندقدده مستأفلاک بدایه اقامه ایتش اولدقلری تصرف و ملکیت دعوالری اوزرینه منازع فی اراضیده ذی الید اولدقلری ثبوت بولسنه و دعوی عینده خصم آنجق ذی الید اوله جغه نظراً بوقیل دعوالرده مسائل متقدمه دن اولان خصوصتک عدم توجهی نقطه سندن بدایه تدقیقه اساس دعوی عرضحالک ردینه قرار ویرلسی اقتضا ایدر ایکن دعوی واقعه نیک مرور زماندن طولای قراره ربط اولنسی یولسنر و مخالف قانون اولدیغندن اصول محاکمه حقوقیه قانونی ذیلنک یکریمی دردنجی و مجله نیک بیک التیوز اوتوز بشنجی ماده لری موجبجه اعلام مستألف بهک فسخیه بدایت دعوی عرضحالک خصوصتک عدم توجهندن طولای ردینه حکم وقرار ویرلدیکی اکلشلمشدر .

مستدعی تمیز قرای مذکوره اهالیسی وکیلی طرفندن اعطا قلنان لایحه تمیزیه ده موکلری مرقومون قرای مذکوره بی متوفای مشارالیه تفرغندن بش سنه مقدم اعمار واحیا ایتدکلری وکندی الات وادواتیه زرع ایتدکلری جهته دعوی واقعه مسموع اولق لازم کلور ایکن بدایه عدم مسموعیتته قرار ویرلدیکی کی استینافاده بالفسخ خصوصتک توجه ایتامسی نقطه سندن بدایت دعوی عرضحالک ردینه قرار ویرلسی یولسنر و مخالف اصول و قانون اولدیغندن بحال اعلامک نقضی و لایحه جوابیه ده ده قوم غیر محصور نامه اقامه اولنه جق دعوانک انجق منافی بین الاهالی مشترک اولان نهر و مرعی کی عمومه عائد یرلر حقنده جاری اوله حنی مجله نیک بیک التیوز قرق بشنجی ماده سی احکام صریحه سندن اولسنه و مزرع مذکوره حقنده کی دعوی ایسه حق تصرفه مستند بولنسنه و تصرف ادعاری ایسه شخصه تعلق ایدوب عمومه جهت تعلق اوله مایه جغه بناء بو مثللو تصرف دعوالرنده ماده مذکوره ده کی قوم غیر محصور احکامی جاری اوله مایوب تصرف ادعاسنده بولنه جقلرک هر بری یالکز کندیسنه عائد قسم حقنده خصوصتی توجه ایدمیلوب دیکر لرینک خصوصتی توجه ایتیه جکی درکار ایکن محکمه جه بر منوال محرر قرار ویرلسی یولسنر و مخالف اصول و قانون اولدیغندن اعلام مذکورک بو نقطه دن قضی طلب واستدعا ایدلمش و سالف الذکر مطالعه نامه ده ده تمیز علیها وکیلی طرفندن درمیان اولنان اعتراض غیر وارد و تمیزلر طرفندن سرد اولنان اعتراضاتک وارد کورولدیکی بیان قلمشدر .

ایجابی مذاکره اولندقدده کیفیت هر نه قدر بوجه بالا بالرؤیه تحت حکمه النش ایسه ده قوم غیر محصور

اولان قریه اهالیسی نامه اقامه اولنه جق دعوانک انجق منافی بین الاهالی مشترک اولان نهر و مرعی کی عمومه عائد اولان یرلر حقنده جاری اوله جنی مجله نیک بیک التیوز قرق بشنجی ماده سی احکام صریحه سندن اولسنه و مزرع مذکوره حقنده اقامه اولنان دعوی ایسه حق تصرفه مستند بولنسنه و تصرف ادعاری ایسه شخصه تعلق ایدوب عمومه جهت تعلق بولنامسنه و بو مثللو تصرف دعوالرنده ماده مذکوره ده محرر قوم غیر محصور حقنده کی احکام غیر جاری بولنسنه بناء سالف الذکر مزرعیه تصرف ادعاسنده بولنه جق کیسه لک هر برینک یالکز کندیسنه عائد اولان قسم حقنده کی ادعا و خصوصتی مسموع اولوب دیکر لرینک ادعای تصرفلری ایچون خصم اوله مایه جنی امر آشکار ایکن محکمه جه بو جهات مهمه عطف نظر دقت اولنقسزین قرای مذکوره هیئت اختیاریه سنک اهالی مرقومه نیک مثلی عد اولونه رق بر منوال محرر قرار ویرلسی یولسنر و مخالف قانون اولدیغندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق بشنجی ماده سنک فقره ثانیه سی حکمنه توفیقاً اصلاحاً و تصحیحاً اعلامه ربطی ضمنتده محکمه مذکوره عاده سنه و مصارف تمیزییه نیک ده ایلروده حقسنر حقیقه جق طرفه عائد اولسنه ۲۸ تشرین اول ۳۳۰ تاریخنده اکثریتله قرار ویرلدی .

حکم تمیز مقرره دائره سنده صادر اولوب ۲ تشرین اول سنه ۳۳۰ تاریخنده قرای ویرلدی ۱۴۹۳ نومرولی اعلام صورتیدر :

« براستدعا ایله ایکی شخص علیه اقامه اولنان دعوانک قبول ایدلسی موجب نقضدر »

شامک شاغور محله سنده ساکن محمد الفرد و عماره محله سنده ساکنه نظیره بنت محمود افندی التفوانی ایله سوق ساروجه محله سنده مقیم اغریبوزی زاده یحیی پاشا و صالحیه ده اکراد محله سنده مقیمه مریم خانم بنت الحاج رسول الکوردی بینلرنده متکون دعویاه دأر وادی العجم بدایت محکمه سندن ۳۱ کانون ثانی سنه ۳۲۹ تاریخی و ۳ عددی ایله ویریلوب مزبوران محمد و نظیره طرفلندن تمیزاً تدقیق استدعا قلنان اعلام یالکز مستدعیلرک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه کوره ؛ مزبوران محمد و نظیره محکمه مذکوره به باعرضحال مراجعتله خوش الدویر مزرع سنده کائن و قرق بش عدد عثمانی لیراسی قیمتند باطابو متصرف اولدقلری قواقلغه مومی الیهما یحیی پاشا و مریم خانم طرفلندن وقوعبولان مداخله لرینک منعی حقنده اقامه ایلدکلری دعوانک ذی الیدلک بالینه اثبات ایتدیرلدکن صکره اجرا قلنان محاکمه و تدقیقاتی نتیجه سنده مدعی علیهمادن یحیی پاشانک معلوم الحدود قواقلغک یکریمی درت قیراط اعتباریه اون سکر قیراطنه اولبابده کی حجت شرعیه موجبجه و مریم خانمک دخی کذلک حدودی معلوم و موقع مذکوره کائن قواقلغک تمامه اون بش سنه بی متجاوز

مدتدبر و بالاتر از متصرف اولدقلری شهود مستمعه معده نك شهادتیه ثابت اولسنه و بومثللو املاك و اراضی امیرییه متعلق دعوا لك اون بش سنه مروریله استماع اولنمه جغه منی مذکور قواقلندن دولای مدعیلك مدعی علیهمایه قارشو عدم معارضه لرینه حکم و قرار ویرلدیکی اكلاشلمشدر .

مستدعیلر محمد ونظیره طرفلرندن ویریلان لایحه ده : ذی الیدلك مسئله سنك حلندن صكره تصرف جهته کیدلك احكام قانونیه اقتضاسندن اولدینی حلاله محکمه جه اول امرده تصرف جهتی بالتدقیق کویا کندولرینك بالاشتراك تصرف ایتدکری ثابت اولدینی بیانیله ذی الید خصوصنده مدعی علیهمانك بینهلرینك ترجیح ایدلسی ومدعی به محله کندولرینك تصرفی سند خاقانی به مستند اولدینی حلاله محکمه جه بر منوال محرر قرار ویرلسی یولسز ومغایر قانون اولدیغندن بختله اعلامك نقضی طلب واستدعا اولنمشدر .

ایجابی لدی المذاکره خصوص مدعی هر نه قدر بر منوال محرر حکم واعلامه ربط اولنمش ایسه ده جریان محاکمه به نظراً مدعی به قواقلق ایکی قطعه دن عبارت اولدینی و بوقطعه لر دن هر بری آیرو آیرو مدعی علیهمانك مستقلاً ید تصرفلرنده بولندیغی جهته مذکور قطعه لر دن بهری حقنده آیروجه استدعا تقدیمیه اقامه دعوی ایدلك لازم کلور ایکن بر عر ضحال ایله ایکی شخص علیه اقامه اولنان دعوانك قبول ایدلسی یولسز اولدینی کی طرفین مدعی به ذی الید بولندقلرینی اثنای محاکمه ده بیان وادعا ایتمش اولدقلری حلاله محکمه جه بر طاقم اسباب غیر قانونیه سرد اولنهرق یالکز بر طرفدن اقامه ایدیلان شهودك استماع ایدلسی واعلام میز بهك فقره حکمیه سنده دعوا ده مرور زمان اولدیغندن بحث ایدلمش ایکن اساسه دخی حکم ایدلسی یولسز ومغایر قانون اولدیغندن اصول محاکمه حقوقیه قانونك ایکوز وتوز ایکنجی وایکیوز قرق برنجی ماده لری موجبجه اعلام مذکورك نقضیه ایکوز قرق دردنجی ماده سی حکمنه توفیقاً کیفیتك بانرویه اعلامه ربطی ضمننده محکمه مذکوریه اعاده سنه وزیرده مفردات ومعطیسى محرر مصارفك ایلروده حقسز حقیقه جق طرفه عائد اولسنه ۲ تشرین ثانی ۳۳۰ تاریخنده متفقاً قرار ویرلدی .

محکمه تمیز جزا دایره سی مقرراتی

محکمه تمیز جزا دایره سنده صادر اولان ۱۴ شمربه اول سنه ۳۳۰ تاریخلی ۳۴۹۵ نومرولی اعلام صورته بر :

« اخناقاً قتل »

انطالیه سنجاغی استیناف محکمه سی جزا دایره سنندن صادر اولان ۲۰ حزیران سنه ۳۳۰ تاریخلی وواتوز بش نومرولی اعلام ایله اوراق متفرعه سی باش مدعی عمومیلک مأموریت علیه سنك ۹ ذی القعدة سنه ۳۳۲

۱۷۰ ایلول سنه ۳۳۰ تاریخلی وایکی بیک طقوز یوز یتیش بش نومرولی تبلیغامه سیله محکمه تمیز جزا دایره سنه تبلیغ قلمشدر .

اعلام مذکورك خلاصه مندرجاتی : مناسبات غیر مشروعه لری نتیجه سی اولهرق تولد ایدن چوجنی اخناقاً قتل ایدلکری ادعا قلمسندن طولای جنایتله متهم بولنان افسکی قضا سنك جس قریه سنندن علی بك اوغلی طاهر وحافظ علی زوجیه سی زاهده نك محکومیتلرینه دایره مقدما صادر اولان اعلامك عندالتمیز اسباب قانونیه مبنی نقض ایله اعاده ایدلسی اوزرینه متهمان مرقومانك لهرینه عندالحاکمه یلان یره شهادتده بولندیغی ادعاسیله اخیراً جنایتله اتهام اولنان حافظ ابراهیم ایله توحیداً اجرا قلنان محاکمه لری نتیجه سننده مرقوموندن طاهر ك من غیر تعمداً قتل مذکوریه جرأتی و زاهده نك ده اولبابده فرعاً ذی مدخل اولدینی وحافظ ابراهیمك دخی دعوا ی مذکوریه دن دولای حضور محکمه ده خلاف حقیقت شهادتده بولندیغی ثابت اولدیغندن اولوجهله مجرمیتلرینه وطاهر ك قانون جزانك یوز یتیش دردنجی ماده سنه تطبیقاً اون بش وزاهده نك ده قانون مذکورك قرق بشنجی و مذکور یوز یتیش دردنجی ماده لری احکامنه توفیقاً وتنزیلاً اون وحافظ ابراهیمك دخی ایکوز یدنجی ماده قانونیه موجبجه اوچ سنه مدتلرله کورکه قونلرینه ۱۸ حزیران سنه ۳۳۰ تاریخنده حکم اولدیغندن عبارتدر .

محکوم علیهمدن طاهر طرفندن معطی لایحه تمیزیه ده علیه ده اسباب ثبوتیه کافیه موجود اولمایوب متهم زاهده نك افاده مجرده سنه بناء محکومیتی جهته کیدلایکنه وزمان وقعه ده عسکر اولهرق سوق ایدلمش بولندیغی جهت عسکر یه دن مورد تحریرات مندرجاتندن اكلاشدیغی حلاله محکمه جه بونقطه مهمه نك ده نظر اعتنا به آلمادیغنه وسائر تقصاتی تدقیقاته دایره سرد اعتراضات اولنهرق اعلامك کندوسنه متعلق اولان جهتنك نقضی استدعا ایدلمشدر .

محکمه مذکوریه مدعی عمومیلکندن ویریلان لایحه تمیزیه ده دخی متهملر دن زاهده نك فعل قتله دخل واشتراکنی مثبت دلائل قانونیه نك مجرمیت قرارنامه سنده تصریح وتفصیلی لزومنه رعایت اولنمادیغندن وجرم مذکورك ۱۵ نیسان سنه ۳۲۷ تاریخنده وقوعبولش اولسنه نظراً اخیراً تعدیل اولنان قانون جزانك قرق بشنجی ماده قائمه سنك مزبوریه حقنده مابه التطبيق اتخاذ قلمسندنه اصابت کوریه دیکنندن بختله اعلام مذکورك مزبوریه متدائر اولان قسمتك نقضی استدعا قلمشدر .

سالف الذکر تبلیغامه ده دخی متهملر دن طاهر ك لایحه تمیزیه سننده سرد ایدیلان اعتراضات عندالحاکمه درمیان ایدیلوب اجوبه ردیه سی اعطای ایدلك صورتیه غیر وارد کورلمش ودعوا ی مذکوریه نك مرقومه دیگر متهم حافظ ابراهیمه عائد صورت جریان محاکمه سیله قانونه تطبیق حقنده اعتراضه محل کوریه مامش اولدیغندن بختله اعلامك مرقومانه عائد جهتنك تصدیق وزاهده حقنده کی حکمه کلنجه فعل مدعاهبک ۱۵۰ نیسان سنه ۳۲۷ تاریخنده ایقاع ایدلمش اولسنه کوره اخیراً تعدیل ایدیلوب مشدد احکامی جامع بولنان

قرق بشنچی ماده قانونیه نك مزبوره تشمیلی غیر مصیب بولنش واستیناف مدعی عمومیلکندن معطی لایحه نك بونی تضمن ایدن ندرجاتی بجا کورلمش اولدیغی بیانیله ده مزبوره متعلق اولان فقره حکمیه نك نقضی طلب اولمشدر .

اوراق مذکوره نك مطالعه سندن صکره تدقیقات تمیزیه اجرا اولندقدہ مرقوموندن شاهد کاذب حافظ ابراهیم حقندہ جریان ایدن محاکمه ايله لاحق اولان حکم اصول محاکات جزائیہ و جزا قانونه موافق بولندیغندن مرقومه عائد اولان حکمک تصدیقته و طاهر ايله زاهده حقلرنده کی حکمه کنگجه فعليه فرعاً ذی مدخل اولوق اوزره تجریم ایدیلان زاهده نك اثنای حملده بایلمش اولدیغی جهته اساس مسئله دن معلوماتی اوله میوب آنجق مرقوم طاهرک چوجنی آمریتک اوزره حیا آلوب کوتوردیکی کریمه سندن ایشتیکنه دائر اولان وثبوت جرمة شدت تعلقی درکار بولنان افاده سنک توثیقی ضمننده مرقومه نك کریمه لری عایشه و دودونک جلبلریله معلومات قییلندن اوله رق افاده لرینک استماعی تبیین حقیقت نقطه سندن لازمه دن بولنش ایکن مزبور تانک عدم استماع لرینه قرار ویرلمی نقض حکمی مستلزم احوال دن اولدیغی کی فعل مدعا به ۱۵ نisan سنه ۳۲۷ تاریخده ایقاع ایدلش اولسنه نظراً اخیراً تعدیل ایدیلوب مشدد احکامی جامع بولنان قرق بشنچی ماده قانونیه نك ماقبله تشمیل صورتیله مزبوره حقندہ مابه التطبيق اتخاذ اولنمی دخی مخالف قانون واستیناف مدعی عمومیلکندن لایحه تمیزیه سیله تبلیغنامه ده اشبو جهته متدائر درمیان اولنان اعتراض وارد واصله مقرون کورلمش اولدیغندن اصول محاکات جزائیہ قانوننک اوچوز اون دردنجی ماده سنه توفیقاً مرقوم طاهر ايله مزبوره زاهده یه متعلق اولان حکمک اسباب مسروده دن دولای نقضه و احکام قانونیه دائره سنده ایقاع معاملہ اولنق اوزره اوراقتک محله اعاده سنه و یوز غروش تصدیق خرجنک حقندہ کی حکم تصدیق ایدیلان حافظ ابراهیم دن و ایکوز غروش نقض خرجنک دخی ایلروده حقسنر حقیقه جق طرفدن تحصیلنه ۲۱ ایلول سنه ۳۳۰ تاریخده متفقاً قرار ویرلدی .

حکم تمیزیه جزا دائره سنده صادر اولاره ۱۴ شمربه اول سنه ۳۳۰ تاریخنی ۳۴۹۶ نومرولی اعلام صورئیدر :

« دلائل ثبوتیه نك مجرمیت قرارنده واضحاً تصریح ایدلسی لزومندن ذهول ایدلسی موجب نقضدر »

توقاد سنجایی بدایت محکمه سی جزا دائره سندن صادر اولان ۱۶ رجب سنه ۳۳۲ و ۲۷ مایس سنه ۳۳۰ تاریخنی و بیک التمش یدی نومرولی اعلام ايله متفرعاتی باش مدعی عمومیلک مأموریت علیه سنک ۸ ذی القعدة سنه ۳۳۲ و ۱۶ ایلول سنه ۳۳۰ تاریخنی و ایکی بیک طقوز یوز الی اوچ نومرولی تبلیغنامه سیله محکمه تمیزیه جزا دائره سنه اعطا قلمشدر .

اعلام مذکورک خلاصه مآلی : اوچوز یکریمی سکر سنه سی تموزی ظرقنده اربعه نك حایه قریه سندن قره کوز اوغلی ابراهیم زوجہ سی قری جبراً قاجیره رق فعل شنیع اجرا ایلدک لری ادعاسیله جنایتله اتهام اولنان اورته کوی قریه سندن امام اوغلی مصطفی بن صالح و چرکس عمر اوغلی طورمش و قدیر اوغلی ابراهیم و محمد اوغلی طورونی حسین و یکریمی بش یاشنده مدد اوغلی مصطفی بن حسنک اجرا قلمنان محاکمه لری نتیجه سنده متهمون مرقوموندن امام اوغلی مصطفی و قدیر اوغلی ابراهیمک جبراً فعل مدعا به جرأتلری شهادات واقعه و دلائل و امارات سائر ايله ثابت اولدیغندن مجرمیت لرینه و مدخل و مشارکت لری اصولاً ثابت اوله میان دیگر متهملرک برائت لرینه و مجرمان مرقومانک حرکت لرینه توافقی ایدن قانون جزانک یوز طقسان سکرنجی ماده سنه توفیقاً اوچر سنه مدته کورکه قونلرینه و آنجق مرقوماندن مصطفانک حین ایقاع جرمده اون سکر یاشنی اکال ایتدیکی جهته قرقنجی ماده قانونیه موجدیجه مذکور کورک جزاسنک نصفی بالتزویل بر بچق سنه مدته حبسه تحویلنه و برائت ایدن اشخاصدن مدد اوغلی مصطفانک دیگر رفیق محکومی عبده چاوش ايله برابر معامله جبروشدت اجرا سیله اسب و اشیا سرقتی ماده سندن ناشی مقدما بالحاکمه مجرمیتی قرار کیر اوله رق تعیین جزایی اشبو محاکمه نتیجه سنه تعلیق ایدلش اولدیغندن مرقومک دخی فعل و حرکتیه موافق بولنان قانون مذکورک ایکی یوز یکریمی برنجی ماده سنه تطبیقاً و ابتدای تاریخ توقیفی اولان اوچوز اوتوز بر سنه سی جادی الاولنک برنجی کونندن اعتباراً کذلک اوچ سنه مدته کورکه قونسنه ۱۹ شباط سنه ۳۲۹ تاریخده حکم اولدیغنی محتویدر .

تبلیغنامه مفادی دخی عبده چاوش ايله مدد اوغلی مصطفی حقلرنده جریان ایدن محاکمه ايله ویریلن حکمه اعتراضه محل اولدیغندن بحثله مرقومانه عائد جهت حکمیه نك تصدیقی و مدعیه قرق اول و آخر سبق ایدن مشوش و مباین بیاناتنه نظراً تحقیقاتک برقات دها تعمیق و ادله ثبوتیه نك قرار مجرمیتده واضحاً تصریح و تمیق لزومندن ذهول ایدلکی بیانیله اعلام مذکورک امام اوغلی مصطفی ايله ابراهیمه متعلق جهتنک دخی نقضی طلبنی متضمندر .

اوراق دعوی بعدی المطالعه عبده چاوش حقندہ مقدما لاحق اولان حکمک تمیزاً تصدیقه اقتران ایلش اولدیغنی قیداً اکلاشله مقله مدد اوغلی مصطفی و امام اوغلی دیگر مصطفی ايله قدیر حقلرنده کی حکمندن دولای تدقیقات تمیزیه اجرا اولندقدہ مرقوموندن مدد اوغلی مصطفی حقندہ جریان ایدن محاکمه ايله لاحق اولان حکم موافق اصول و قانون اولدیغندن تصدیقته و دیگر مصطفی ايله ابراهیمه کنگجه تبلیغنامه ده دخی بیان اولدیغنی اوزره مزبوره قرق افادات متباینه سنه نظراً تحقیقاتک برقات دها تعمیق اولنمی و دلائل ثبوتیه نك مجرمیت قرارنده واضحاً تصریح ایدلسی لزومندن ذهول ایدلش اولنمی و نقض حکمی مستلزم اولدیغندن اصول محاکات جزائیہ قانوننک اوچوز اون دردنجی ماده سنه توفیقاً اعلام مذکورک مرقومانه عائد جهتنک نقضیه اوراقتک محله اعاده سنه و یوز غروش تصدیق خرجنک مرقوم مدد اوغلی مصطفانک

و ايکي يوز غروش نقض خرجنک دخي ايلريده حقسر چيقه جق طرفدن تحصيلنه ٢٠ ايلول سنه ٣٣٠ تاريخنده متفقاً قرار ويرلدي .

حکم تمیز جزا دائره سنده صادر اولاره ١٥ شمريه اول سنه ٣٣٠ تاريخي ٣٤٩٨ نومرولي اعلام صورتيه :

« مجرميت قرارنده بالاطراف تفصيل ايدلسي لازمکلان اسباب مخففه تقديره نك تحديد جزا قرارنده بيانيله تحديد جزا ايدلسي مخالف قانوندر »

آيدن ولايتي استيناف محکمه سي جنایت قسمندن تنظيم واعطا قلنان ٢٣ اغستوس ٣٣٠ تاريخلي وسکسان برنومرولي اعلام ايله اوراق متفرعسي باش مدعي عموميلک مأموريت عليه سندن ٢٣ ذي القعدة ٣٣٢ و ١ تشرين ٣٣٠ تاريخلي و اوچ بيک ايکي يوز قرق نومرولي تبليغنامه ايله محکمه تمیز جزا دائره سنه توديع ايدلمکله مطالعه قلندي .

اعلام مذکورک خلاصه مالى اوچيوز يکرمي يدي سنه سي تشرين اولنک يکرمي التجي کون تيره ده مقيم زراعت اداره سي و شباتلرندن عرب طوسون اوغلي حسيبي جرح و کريدلي محمدی قتل ايدليکي ادا قلمسندن دولاي جنایتله اتهام اولنان تيره ده مستخدم ژاندارمه قونيه لي علي بن نورينک اجرا قلنان محاکمه سي نتیجه سنده متهم مرقومک من غير تعمد فعل قتله جرأتی ثابت اولديغندن مجرميته و حرکتنه تطابق ايدن قانون جزانک يوز تيش دردنجي و فعلده اسباب مخففه تقديره بولنسي حسييله قرق يدنجي ماده لرينه توفيقاً مستحق اولديغي اون بش سنه کورک جزاسنک اوچ سنه قلعه بندلکه تحويلنه و حسينک جرحی ماده سندن برائته ٣١ مایس ٣٣٠ تاريخنده حکم اولنديغندن عبارتدر .

تدقيقات تمیزيه اجرا اولندقد تبليغنامه ده دخي بيان اولنديغي وجهله متهم مرقومک فعلنده کوريلان و مجرميت قرارنده بالاطراف تفصيل و ايضاح ايدلسي لازم کلن اسباب مخففه تقديره نك تحديد جزا قرارنده بيانيله اوصورتله تحديد جزاسنه کيدلسي يولسر و مخالف قانون اولديغندن ادول محاکمات جزائيه قانونک اوچ يوز اون دردنجي ماده سنه توفيقاً اعلام مذکورک تفضيله احکام قانونيه دائره سنده ايفای معامله اولنق اوزره اوراقلک محله اعاده سنه و ايکي يوز غروش اعلام خرجنک ايلروده حقسر چيقه جق طرفدن تحصيلنه ٨ تشرين اول ٣٣٠ تاريخنده متفقاً قرار ويرلدي .

حکم تمیز جزا دائره سي

حکم تمیز استعدا دائره سنده صادر اولاره ٥ نيساره سنه ٣٣٠ تاريخي ٤٣٠٤ نومرولي اعلام صورتيه :

« مدعي عمومينک مطالعه سنک استفساری لزومنه عدم رعايت اولنسي مستلزم نقضدر »

شيله قضايي بدايت محکمه سي جزا دائره سندن استينافاً تنظيم واعطا قلنان ٢ کانون ثاني سنه ٣٠٩ تاريخ

وطقسان سکيز نومرولي اعلامک تمیزاً تدقيق طلبني حاوی ايليا اوغلي يورکي جانبندن معطی استدعنامه واوراق متفرعسي باش مدعي عموميلک مأموريت عليه سندن تبليغنامه محکمه تمیز استعدا دائره سنه توديع اولنمش ولدي التدقيق مذکور استدعنامه نك مدت قانونيه سي ظرفنده اعطا و شرائط لازمه سائر سنک دخي ايفا قلنديغي اکلاشلمش ايدرکندن بالقبول تدقيقات تمیزيه اجراسنه ابتدار اولندي .

اعلام مذکورک خلاصه مالى خرسونک کچيسي سرقت و ذبح ايدليکي درجه نبوتده کوريلان مستدعي يورکينک تحديد جزاسنه دائر شيله محکمه صلحيه سندن لاحق اولان حکمک عندالاستيناف فسحيله اجرا قلنان محاکمه و تدقيقات استينافيه نتیجه سنده حکم مذکورک موافق قانون ايدوکندن بحثله تصديقه قرار ويرلديکيني متضمندر .

لايحه تمیزيه ده مدعابه حيواني کندينک ظنيله ذبح ايدوب فعل سرقت دلالت ايدن برکونا اسباب نبوتيه موجود اولماديني حالده محکوميتي جهته کيدلسي مغاير قانون ايدوکندن بحثله اعلام استينافينک نقضی استدعا اولنمش و تبليغنامه ده دخي حکم ابتدائي عندالاستيناف اصوله مخالفتندن ناشي فسخ ايدلکدن صکره استينافاً محاکمه اجرا و اساس حقنده قرار اعطاسي اقتضا ايدر ايکن مدعي عمومي طرفدن ادعاي قانوني سرد ايدليکي کبي محکمه جه دخي اولجه فسخ ايديلان حکم ابتدائينک اصول و قانونه مطابقندن بحثله بوکرده ده تصديقه قرار ويرلش اولسي يولسر و لايحه تمیزيه مندرجاتي بو طريق ايله وارد و مستلزم نقص بولنديغندن اعلام مذکورک بوسيدن ناشي تقضي لزومي کوسترلشددر .

ايجابي لای المذاکره مندرجات اعلامدن نمايان اولديغي اوزره محکمه استينافيه جه مضمون يورکينک تحديد جزاسنه دائر بدایه و يريلان حکم فسخ ايدلمش اولسنه نظراً بعدالفسخ جريان ايدن محاکمات و تدقيقات نتايجه کوره يکيدن اتخاذ قرار اولنق مقتضي ايکن محکمه مذکورجه صور محرريه توفيق معامله اولمايوب برطرفدن ذکر ايديلان حکم ابتدائينک فسخي و ديکر طرفدن فسخ واقع طولاييسيله رفع ايدلمش اولان حکم مذکورک اصول و قانونه موافقتندن بحثله تصديق جهته کيدلسي يکديکرينه مابين و مناقض اولديغي کبي مضمون مرقومک استماع افاداتي متعاقب اساس ماده حقنده مدعي عموميلک مأموريتنک مطالعه سنک استفساری لزومنه عدم رعايتله محاکمات جاريه نك تعريفات قانونيه توفيق لزومندن ذهول اولنسي تبليغنامه ده دخي کوسترليکي اوزره مغاير اصول و قانون اولوب اعتراضات واقعه بو طريق ايله وارد و بجا کورمش ايدوکندن اصول محاکمات جزائيه قانوننک اوچيوز اون دردنجي و اوچيوز اون طقوزنجي ماده لری احکامنه توفيقاً اعلام استينافينک اسباب محرريه بناءً تفضيله ١٩ تشرين اول سنه ٣٣٩ تاريخلي فقرات نظاميه ايله صلح حاکم لری قانون موقتک تعديل ايدلمش اولان تيشنجي ماده سنده صلح حاکم لرينک جنحه ماده لرنده ويردک لری حکم لری مرجع استينافي محلی بدايت محکمه سنک مرجع استينافي اولديغي کوسترلش اولسنه مبنی مضمون مرقوم عليه بنده شيله قضايي صلح محکمه سنده اقامه ايديلان دعواني قضاء مذکور بدايت محکمه سنک

درجۀ ثانيه ده رؤيتي حقنده كي صلاحيت قانونيه سي مرتفع اولسندن ناشي تدقيقات استينافيه نك قضاء مذكور بدايت محكمه سنك مرجع استينافي اولان درساعات استيناف محكمه سي جنبه دائره سنجه اجراسنه وتميز جزاي نقديسي اوله رق استانبول ولايتي مال صندوقه توديع ايدلمش اولان بش ليرانك اصول مذكورك اوچيوز قرق اوچنجي ماده سي موجب سنجه مستدعي به اعاده سنه ودرتيوز غروش اعلام خرچنك تعرفه وتعليات مخصوصه سنه توفيقاً ايلرده حقسنز چيقه حق طرفدن استيفاسنه ٥ نيسان سنه ٣٣٠ تاريخنده متفقاً قرار ويرلدي .

محكمه تميز استدعا دائره سنه صادر اولان ٨ نيسان سنه ٣٣٠ تاريخي و ٤٤١٥ نومرولي اعلام صورتيه :

« انتخاب انجمنلري مقراتنه دائر »

كونان قضايي بدايت محكمه سي جزا دائره سنندن تنظيم واعطا قلنان ٣٠ كانون ثاني سنه ٣٢٩ تاريخ وايكي يوز طقسان التي نومرولي اعلامك تميزاً تدقيق طلبني حاوي محكمه مذكوره مدعي عموميلكي جانبندن معطى استدعائمه واوراق متفرعه سي باش مدعي عموميلك مأموريت عليه سنندن باتبليغنامه محكمه تميز استدعا دائره سنه توديع اولمش ولدي التدقيق مذكور استدعائمه نك مدت قانونيه سي ظرفنده اعطا قلنديني اكلا شلمش ايدوكندن بالقبول تدقيقات تميزيه اجراسنه ابتدار اولندي .

اعلام مذكورك خلاصه مالى ساعتجي حسني افنديك بلديه به اعضا انتخاب ايتكه واعضا انتخاب اولنمه حق قانونيسي اولماديغنه دائر انجمن بلديه دن اعطا اولنان قرار عليهنده مومي اليه جانبندن اقامه اولنان استيناف دعوا سنك اجرا قلنان محاكمه وتدقيقات نتيجه سننده مجالس بلديه دن اعطا اولنان مقرراتدن يالكز محاكم بدايت اعضا لرينك انتخابي خصوصنده كي مقرراتك استينافاً رؤيتي محكمه بدايتك صلاحيتي داخنده اولوب دوائر مذكوره مقررات سائر سنك استينافاً رؤيتي صلاحيتي خارجنده اولديغنه قرار ويرليكني متضمندر .

لايحه تميزيه ده مجالس بلديه اعضا سنك صورت انتخابي حقنده انتخاب انجمنندن اعطا قلنان قرارلرك مرجع استينافي محلي بدايت محاكمي اولديني دردنجي جلد دستورك بشيوز قرق اوچنجي صحيفه سننده محرر فصل مخصوصنك يكرمي التنجي ماده سي اقتضاسندن اولديني حالده انجمن مذكور قرارينك رؤيتي وظيفه خارجنده اولديغنه قرار ويرلسي مغاير قانون ايدوكندن بختله اعلام مذكورك نقض استدعا اولمش وتبليغنامه ده دخي مذكور لايحه ده بوقيل بلديه مقرراتنك مرجع استينافي محلي بدايت محكمه لري اولديغنه دائر درميان ايديلان اعتراضك وارد وبجا اولديغندن مذكور اعلامك نقض لزومي كوسترلمشدر .

ايجابي لدی المذاكره بالاده مرقم تبليغنامه ده دخي بيان اولنديني وجه ايله دردنجي جلد دستورك بشيوز قرق اوچنجي صحيفه سننده كي فصل مخصوصنك يكرمي التنجي ماده سنك انتخاب انجمنلري مقرراتنه راضي

اولميا نلرك اون كون ظرفنده محلي بدايت محكمه سنه استيناف ايتكه حق اوله جنبي يولنده كي صراحتنه قارشو درجۀ اولي محكمه سنجه ساعتجي حسني افنديك بلديه به اعضا انتخابه حق قانونيسي اولماديغنه دائر محلي دائره بلديه سنجه متخذ قرار عليهنده اقامه ايتديكي استيناف دعوا سنك رؤيتي صلاحيت خارجنده اولديغنه قرار ويرلسي يولسز ومغاير اصول وقانون اولوب لايحه تميزيه مؤداسي وارد وبجا كورنمش اولديغندن اصول محاكمات جزائي قانوننك اوچيوز اون دردنجي واوچيوز اون طقوزنجي ماده لري منظوقنجه قرار مذكور اعلامنك بوسببندن ناشي تفصيله احكام قانونيه دائره سننده ايفاي معامله اولنق اوزره اوراق متعلقه سنك محكمه مذكوره به اعاده سنه ودرتيوز غروش اعلام خرچنك تعرفه وتعليات مخصوصه سنه توفيقاً بالاخره ايجاب ايدن طرفدن استيفاسنه ٨ نيسان سنه ٣٣٠ تاريخنده متفقاً قرار ويرلدي .

محكمه تميز استدعا دائره سنه صادر اولان ٢٥ ايلول سنه ٣٣٠ تاريخي و ١٦٥٧ نومرولي اعلام صورتيه :

« هيئت اتهاميه جه حقوق عموميه مأموري طرفندن واقع اولان اعتراضك »

« تدقيق ايله اسباب اعتراضيه نك وارد اولوب اولديني حقنده قرار اتخاذي »

« لزومه دائر »

فستوموني ولايتي هيئت اتهاميه سنندن تنظيم واعطا قلنان ٥ نيسان ٣٣٠ تاريخ و طقسان ايكي نومرولي مضبطه نك تميزاً تدقيق طلبني حاوي ولايت مذكوره استيناف مدعي عموميلكي جانبندن معطى استدعائمه ايله اوراق متفرعه سي باش مدعي عموميلك مأموريت عليه سنندن باتبليغنامه محكمه تميز استدعا دائره سنه توديع اولمش ولدي التدقيق مذكور استدعائمه نك مدت معينه قانونيه سي ظرفنده اعطا قلنديني اكلا شلمش اولديغندن بالقبول تدقيقات تميزيه اجراسنه ابتدار ايدلدي .

مذكور مضبطه نك خلاصه مالى محمد افندي به براي تداوي حب ويرمك صورتيه به غير قصد وفاتنه سبب ويرديكي ادعاسيله مظنون عليه اولان لطفاه افنديك جنبه ايله لزوم محاكمه سنه دائر مستنطق جانبندن ويريلان قرارنامه عليهنه وقوعبولان اعتراض اوزرينه هيئت اتهاميه جه جريان ايدن تدقيقات نتيجه سننده ذكر اولنان قرارنامه نك تطيقات نقطه سنندن فسجيله مظنون مزبورك حركت واقعه سي طبابت بلديه نظامنامه سنك مجازات قسمنك برنجي ماده سنك معطوف عليهي اولان اون ايكنجي ماده سي حكمي مستلزم جنبه نوعندن بولنش اولسنه بناءً جنبه ايله لزوم محاكمه سنه قرار ويرليكني متضمندر .

لايحه تميزيه ده حقوق عموميه مأموري جانبندن عندالاعتراض ايشده شائبه جنائتك وجودندن بختله مظنون لطفاه افنديك جنائتله اتهامه دائر سرد ايديلان ادعائك هيئت اتهاميه جه رد ويا قبولنه دائر برقرار اتخاذ اولنقسزين بوجه محرر قرار ويرلسي يولسز ومغاير قانون ايدوكندن بختله ذكر اولنان مضبطه نك

تقضى استدعا قلنديني كبي تبليغنامه ده دخي مظنون عليها مدعيك وفاته سبب ویرمش اولمسندن طولاي جنحه ايله لزوم محاکمه سنده دائر ویریلان قرار علیه محلی مدعی عمومیلکندن ایشده شائبه جنايتك وجودندن بحثله واقع اولان اعتراض وفعلك افعال جنايته دن اولديني ادعا قلنمسی اوزرينه اسباب اعتراضيه نك وارد اولوب اولمديني حقنده اسباب موجه بيانيله اعطای قرار اولنق لازم كلور ايكن هيئت اتهاميه جه بو لزوم قانونيه رعایت ايدلمكسزين مذکور قرارنامه نك فسخته و مظنونك طبابت بلديه نظامنامه سنده توفيقاً لزوم محاکمه سنده قرار ویرلمسی مغایر قانون اولديني بيانيله مضبطه مذکور نك تقضى لزومی کو ترمشدر .

ايجاب كيفيت لای المذاكره هيئت اتهاميه جه محمد افدينك وفاته سبب اولق ماده سندن طولاي مظنون عليه لطفاه افدينك حرکت مسروده سی افعال جنايته جله سندن اولديني بيانيله مظنون عليه مومی اليك جنحه درجه سنده لزوم محاکمه سنده دائر تنظيم قلان مستنطق قرارنامه سی علیه حقوق عموميه مأموری جانبندن واقع اولان اعتراض اوزرينه تدقيقات مقتضيه اجراسيله اعتراض مذکورك قبولی حالده مذکور قرارنامه نك بوقفه دن فسخيله ايشك مجرای قانونيسنه ارجاعی وعكس صورته اعتراض مذکورك ردینی استلزام ایدن احوال وكيفياتك بيان وتصريحی لازم ايكن هيئت مذکور جه صور محرره دائره سنده ايفای معامله اولنمايوبده برمنوال مشروح اتخاذ قرار اولنمسی يولسر ومغایر احكام قانون اولوب اعتراض واقعه شو صورته وارد وبجا بولنديغندن اصول محاکمات جزاييه قانونك اوچ يوز اون دردنجی واوچ يوز اون طقوزنجی ماده لری منطوقجه ذکر اولنان هيئت اتهاميه مضبطه سندن سبب مشروحه بناء تقضيله احكام قانونيه دائره سنده ايفای معامله اولنق اوزره اوراقل محله اعاده سنده و درت يوز غروش اعلام خرجك تعرفه وتعليات مخصوصه سنده توفيقاً ايلوده حقسز چيقه جق طرفدن استيفاسنه ٨ تموز ١٣٣٠ تاريخنده اکثريته قرار ویرلدي .

مذرجات

٢٠ كانون اول ١٣٣٠

قسم رسمي

مجميعه
نومروسی

٢٠ تشرين ثاني ١٣٣٠ ٦٤٣٧	(١) —	نومبرهات عدليه
٢ كانون اول ١٣٣٠	(٢)	"
٤ " " ١٣٣٩ ٦٤٣٩	(٣)	"
٣٠ تشرين ثاني ١٣٣٠ ٦٤٤٠	(١) —	قوانين و نظامات
٢٩ " " ١٣٣٠ ٦٤٥٦	(١) —	تبليغات عموميه
٢ كانون اول ١٣٣٠ ٦٤٥٧	(٢) —	"
٩ " " ١٣٣٠ ٦٤٥٨	(٣) —	"
٢٦ تشرين ثاني ١٣٣٠ ٦٤٥٩	(١) —	محكمه تمميز هيئت عموميه سی مقرانی

۱	حزیران ۳۳۰ ۶۴۶۰	محکمہ تمیز حقوق دادرسی مقرراتی — (۱) تواتر پنه سنه دادر	
۳۰	تشرین ثانی ۶۴۶۲	(۲) ذی البدلک	» »
۶	» ۶۴۶۴	(۳) حواله به دادر	» »
۲۶	» ۶۴۶۶	(۴) وکیلک یمینه وکالتی جائز دکلدر	» »

۵	تشرین ثانی ۳۳۰ ۶۴۶۸	محکمہ تمیز استدعا دادرسی مقرراتی — (۱) مدت استیناف	
---	---------------------	--	--

۲۵	تشرین اول ۳۳۰ ۶۴۶۹	محکمہ تمیز جزا دادرسی مقرراتی — (۱) متهمك نفوس قانون جدیدینه توفیقاً تحقیق سنی مقتضیدر	
»	» ۶۴۷۰	(۲) سرقت	» »
»	» ۶۴۷۱	(۳) حال صباوت آخره اسناد جرم ایتمکه مانع اوله جنی سسینه ایثناء اتخاذ قرار اولنسی موجب نقضدر	» »
»	» ۶۴۷۲	(۴) جبراً قالدیروب فعل شنیع	» »
»	» ۶۴۷۳	(۵) متهمك هانکیسنگ سلاحیه قتلک ایقاع اولندیفی	» »

قسم غیر رسمی

مقالات

استیناف مدعی عمومی معاونلرتدن جودت فرید بکک
سلانیک مکتب حقوق معلمین سابقه سندن ووکلای دعاویدن
نظرت خاچریان افندیکن

اموال غیر منقوله دفاتر فیودیه سی
اسریمجره قانوننامه مدنیسی

50

۱- ...
۲- ...
۳- ...

...

...